



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCLXXII. ad annum DCCCCIX.

Parisiis, 1644

XXXIX. Si quis alienigenam in matrimonium duxerit, habere debet.

urn:nbn:de:hbz:466:1-15967

ex decretis papæ Leonis prædiximus, ingenua fa-
cta, & dotata legitime, & in publicis honestata nu-
ptiis, & propterea iam non est concubina, sed
vxor legibus acquisita. Hæc eadem lex pro quali-
tate sexus sit feminis & viris * libertas.

ANNO
CHRISTI
895.

XXXIX.

Quicumque alienigenam, hoc est, alienæ gen-
tis feminam, verbi gratia, Francus mulierem Baioa-
ricam, vtrorumque consultu propinquorum legi-
time vel sua, vel mulieris lege acquisitam, in con-
iugium duxerit; velit nolit, tenenda erit, nec ul-
tra ab eo separanda, excepta fornicationis causa.

Ephes. 4. Quamuis enim, vt Apostolus ait, vnu Dominus,
vna fides, vnum baptisma, vtrique communis sit
nationi, legem tamen habent diuersam, & quan-
tum ad sæculum, interdum longe disiunctam. Qua-
re si vnu e duobus, vnam carnem in duas diuide-
re, & copulam nuptialem machinetur disiungere
dicendo, non secundum suæ gentis legem iura ma-
trimonii contraxisse, & idcirco separari posse: ca-
nonica institutione diffinimus, & nostro omnium-
que orthodoxorum iudicio statuimus, vt quod le-
gis imperfectum sit, perficiatur, & ius matrimo-
nii nequaquam resoluatur. Synodus Romana ait,
quod non dimittenda sit vxor post baptismum, quæ
habita est & ante baptismum. In baptismo soluun-
tur crimina, non tamen legitima coniugia. Cum
enim in baptismo transmigrat de vita in vitam, &
non mutat vxorem legitimam, quomodo mutat
eam, qui non mutat vitam, sed transit de gente ad
gentem? Igitur quia iam suffugium non habent se-
paran-

paran-

ANNO CHRISTI 895. parandi , impleant dictum Apostoli , vt vnanimes *Philipp. 1.* ynum sentientes permaneant in Christo Iesu Dominu nostro. Nos autem cognita referimus , quia quemdam Francum & mulierem Saxoniam talia egisse cognouimus. Si quis post haec , huius sancti Concilii institutionem paruipendens , aliam duxerit , cuiuscumque gentis sit , canonice arceatur , vt priori cum pœnitentia copuletur.

X L.

Audiuimus rem execrabilem , & catholicis omnibus detestandam , quemdam nefario fornicationis opere alicuius vxorem , viuente eo , commulasse : & in augmentum iniquitatis , iuramento confirmasse , si eius legitimum superuixissent ambo maritum , vt ille fornicator illam adulteram adulterio pollutam sibi associaret toro & legitimo matrimonio , si hoc iure dici matrimonium potest , per quod oriuntur quæ Apostolus enumerat *Rom. 1.* mala , quæ sunt fornicatio , immunditia , luxuria , &c. ad ultimum vero , beneficia & homicidia , quia pro tam illicito amore , alii veneno , alii gladio , vel aliis diuersis sunt perempti maleficiis . Idcirco acutissimo ferro , & totius generis artificio resecanda , per quæ cælestia regna sunt occludenda . Quoniam vt idem Apostolus ait , *qui talia agunt , regnum Dei non conseruantur* . Tale igitur connubium anathematizamus , & Christianis omnibus obseramus . Non licet ergo nec Christianæ religioni oportet , vt nullus ea vtatur in matrimonio , cum qua prius pollutus est adulterio .

X LI.

Si quis legitimam duxerit vxorem , & impedien-
Concil. Tom. 24.

PPP